

სე

შეთანხმება

ქ. თბილისი

3 დეკემბერი, 2015 წელი

ერთი მხრივ ქალაქ თბილისის მუნიციპალიტეტის მერია (შემდგომში - შემსყიდველი), წარმოდგენილი ქალაქ თბილისის მუნიციპალიტეტის მერის მოადგილის გიორგი სოლომონიას სახით და მეორე მხრივ, შპს „ჯეუ გრუპი“ (შემდგომში - მიმწოდებელი), წარმოდგენილი მისი დირექტორის ნინო კიკაბიძის სახით სახით, ვხელმძღვანელობთ რა საქართველოში მოქმედი კანონმდებლობით, ვთანხმდებით შემდეგზე:

1. შეთანხმების საგანი

1. ვინაიდან, შპს „ჯეუ გრუპი“ - სთან 2015 წლის 21 სექტემბერს დადებული სახელმწიფო შესყიდვის შესახებ N2.11.2/10/626 ხელშეკრულებით (ქ. თბილისში, თბილისი-წყნეთის საავტომობილო გზაზე საყრდენი კედლების მშენებლობის სამუშაოები) გათვალისწინებული სამუშაოების მიმდინარეობისას გამოვლინდა სამუშაოებისთვის ხელის შემშლელი გარემოება (კერძოდ, მას შემდეგ, რაც შპს „ჯეუ გრუპმა“ პირველ უბანზე დაასრულა კონტრფორსების მშენებლობა (ამა წლის 21 ნოემბერი), ფერდიდან მოწყდა მიწის დიდი მოცულობა და სრულად დაფარა საყრდენი კედლის კონტრფორსები, რის გაწმენდასაც დაჭირდა 10 კალენდარული დღე), ხელშეკრულების მონაწილე მხარეები - შემსყიდველი და მიმწოდებელი - შეთანხმდნენ:

1.1 გაიზარდოს ხელშეკრულებით გათვალისწინებული სამუშაოების მიწოდების ვადა და ხელშეკრულების 3.1 პუნქტი ჩამოყალიბდეს შემდეგი რედაქციით:

„3.1 სამუშაოების მიწოდების ვადა - ხელშეკრულების გაფორმებიდან 2015 წლის 17 დეკემბრის ჩათვლით.“

2. მიმწოდებელი ვალდებულია შეთანხმების გაფორმებიდან არაუგვიანეს 5 კალენდარული დღისა, ხელშეკრულების 3.2 პუნქტის შესაბამისად, ქალაქ თბილისის მუნიციპალიტეტის მერიის კეთილმოწყობის საქალაქო სამსახურში წარადგინოს და სამსახურთან შეთანხმოს რედაქტირებული სამუშაოთა წარმოების კალენდარული გეგმა - გრაფიკი.

3. მიმწოდებელი ვალდებულია უზრუნველყოს ხელშეკრულების შესრულების უზრუნველყოფის საბანკო გარანტიისა და წინასწარი ანგარიშსწორების (ავანსი) გარანტიის ვადის გაგრძელება 2016 წლის 17 იანვრის ჩათვლით. ხელშეკრულების შესრულების უზრუნველყოფის საბანკო გარანტიის 2015 წლის 17 დეკემბრის ჩათვლით წარმოუდგენლობის შემთხვევაში, შემსყიდველი უფლებამოსილია ცალმხრივად შეწყვიტოს სახელმწიფო შესყიდვის შესახებ ხელშეკრულება და მიმწოდებლის მიმართ გამოიყენოს ხელშეკრულების პირობების შეუსრულებლობისათვის გათვალისწინებული საჯარიმო სანქციები.

4. ხელშეკრულების მოქმედების ვადა განისაზღვროს 2018 წლის 31 იანვრის ჩათვლით.

საფუძველი: ქალაქ თბილისის მუნიციპალიტეტის მერიის კეთილმოწყობის საქალაქო სამსახურის 2015 წლის 3 დეკემბრის N10-18/18967 წერილი.

2. შეთანხმების მოქმედების ვადა

- 2.1 წინამდებარე შეთანხმება მოქმედებს მასზე ხელის მოწერის დღიდან.
- 2.2 შეთანხმება წარმოადგენს მხარეთა შორის 2015 წლის 21 სექტემბერს დადებული სახელმწიფო შესყიდვის შესახებ N2.11.2/10/626 ხელშეკრულების განუყოფელ ნაწილს და მოქმედებს მასთან ერთად.
- 2.3 ხელშეკრულების ყველა სხვა პირობა რჩება უცვლელი.

მხარეთა იურიდიული მისამართები და რეკვიზიტები

შემსყიდველი:
 ქალაქ თბილისის მუნიციპალიტეტის მერია
 ს/კოდი: 204521794
 მერის მოადგილე
 გ. სოლომონია

მიმწოდებელი:
 შპს „ჯეუ გრუპი“
 ს/კოდი: 205251537
 დირექტორი
 ნ. კიკაბიძე

